

中國經濟史 長編

國立編譯館出版社

黃序鵬 撰

25

中國經濟史 長編

25

黃序鵬 撰

國家圖書館出版社

第二十五冊目錄

第二十一編 郵驛

郵驛(一)

卷一

周		〇〇三
秦		〇〇三
前漢		〇三六
後漢		〇四五
蜀漢		〇五〇
魏		〇五一
吳		〇五二
晉		〇五三
卷二		〇五七
宋		〇五七
齊		〇六一
梁		〇六三

卷三

陳		〇六三
後魏		〇六四
北齊		〇七三
北周		〇七九
隋		〇八一
唐		〇八三
後梁		一〇八
後唐		一〇九
後晉		一一一
後漢		一一二
後周		一一二
卷三		一一三
遼		一一三
宋		一一六
金		一二四
元		一二八

卷四

元

郵驛(二)

卷五

元

.....
二二一

卷六—八

明

郵驛(三)

卷九—十二

清

.....
四四七

二八一

二八一

四四七

四四七

部一


卷一 周、秦、前漢、後漢、蜀漢、魏、吳、晉、宋、齊、梁、陳、

卷二 北魏、北齊、北周、隋、唐、後梁、後唐、後晉、後漢、後周、

卷三 元、明、清、金、元

卷四 元

(共十二卷)



周



周禮地官 鄉大夫之職 國有大故則令民各守其閭以待政令以旌節輔令則達之 賈公彥曰國有大事故恐有姦寇故使民征令出入往來皆須得旌節輔此征令文書乃得通達無節則不得通 鄭曄曰旌以章之節以驗之有旌節文書乃得通達後世給符驗以傳文書始此

遺人掌三鄉里之委積以待賓客野鄙之委積以待羈旅 注委積者廩人倉人計九穀之數足國用以其餘其之所謂餘法用也職內邦之移用亦如此也皆以餘財共之少曰委多曰積羈旅過行寄止者故書羈作寄杜子春云寄當為羈羈 孫詒讓疏曰云鄉里之委積以待賓客者鄉里謂六鄉外四郊所居與鄉里異賈疏謂即六鄉之民居遠郊者失之詳縣師疏賓客委積即大行人上公五積侯伯四積子男三積之等出入道路隨宜供致以其自國而出以郊

為始故此職以郊里之委積待之而委人則又以稍聚待賓客明道路所出隨在皆有不必要出郊里大小司徒並有賓客令野修道委積之文彼野蓋通郊甸稍縣都言之與此下文野鄙亦不同也云野鄙之委積以待羈旅者實疏云上既言郊里據遠郊則此野鄙據六遂在郊外曰野六遂中有五百家鄙故以鄙表六緒耳則野鄙中可以兼得公邑在甸地者也旅客也謂客有羈繫在此未得去者則於此惠之但羈旅處處皆有獨於此見惠者但甸地在二百里中於外內有羈旅皆得取之故獨見於此也詔議案此職野鄙不兼縣都與縣師之野異然當兼甸稍言之司會質人注並云野甸稍也是也羈旅謂畿外客民與上民為六鄉土著異蓋畿外之民來至王國者皆於六遂外之公邑暫時寄居以鄉遂夫家有定國中四郊士民萃處皆無容羈旅之地故必於野鄙受廩而即以野鄙之委積待之委人亦以甸聚待羈旅皆是意也至客民之留居不

反者則亦於公邑受田故旅師掌野之興積而云凡新阡之治皆聽之暫止則為羈旅久居則為新阡其實一也 邱濬曰委積以待賓客即後世驛傳給廬之意

凡賓客會同師役掌其道路之委積凡國野之道十里有廬廬有飲食三十里有宿宿有路室路室有委五十里有市市有候館候館有積 注廬若今野候徒有房也宿可止宿若今亭有室矣候館樓可以觀望者也一市之間有三廬一宿 孫詒讓疏曰凡賓客會同師役掌其道路之委積者賈疏云上經委積隨其所須之處而委積此經所陳委積據會同師役行道所須故分布於道路遠處須多故有積近處須少故有飲食及委也云凡國野之道十里有廬廬有飲食者此野謂城郭外自近郊至五百里畿凡道路所出皆有此制與上文野鄙專指甸稍異廬即野廬氏所巡行宿息之等云三十里有宿宿有路室路室

有委者呂氏春秋不廣篇云單行三十里為一舍故三十里有宿路室儲脩多
於廬故有委管子大匡篇云三十里置遽委焉有司職之從諸侯欲通吏從行
者令一人為負以車若宿者令人養其馬食以委積注云遽今之郵驛也委謂
當有儲擬以供過者此與三十里路室有委合又據管子則路室似兼為傳遽
之舍續漢輿服志云驛馬三十里一置周法或與漢同云五十里有市市有候
館候館有積者荀子大略篇云吉行五十里故五十里而市候館儲脩尤多故
有積大戴禮記王言篇云五十里而封百里而有都邑乃為畜積衣裘馬使處
者恤行者有與亡此與五十里候館有積合注云廬若今野候徒有房也者釋
名釋宮室云廬廬也取自覆廬也園師注云廬廬也廣雅釋宮云廬廬舍也
廬制最疏略惟為長廣之周屋以便晝息漢時野候蓋正如此故舉以為況徒
有房者明其無房室不可野宿也房即廡詳園師疏又國語周語云國無寄寓

韋注云寓亦寄也無寄寓者不為廬舍可以寄羈旅之客案說文广部云廬寄也則寄寓當即此經之廬國語又云立鄙食以守韋注云鄙四鄙十里有廬廬有飲食則此廬亦即彼鄙食之制云宿可止宿若今亭有室矣者說文山部云宿止也又高部云亭民所安定也亭有樓蓋宿有路室其制視廬加詳具有房室可以夜宿漢室亭亦有室可宿史記李廣傳霸陵尉止廣宿亭下是其證御覽居處部引風俗通云謹案春秋國語甯有寓望謂今亭也漢家因秦大率十里曰亭亭留也蓋行旅宿食之所館也據應說則漢之亭兼周路室候館之制矣又周書大聚篇云五里有郊十里有井二十里有舍舍有委蓋邦國都鄙路室之制與此經異云候館樓可以觀望者也聘禮及郊又云及館注云館舍也遠郊之內有候館可以小休止沐若說文人部云候同理也又食部云館客舍也周禮五十里有市市有館館有積以待朝聘之客又木部云樓重屋也魯語

云宿於重館韋注云館候館引此經案館與觀聲近字通釋名釋宮室云觀觀也於上觀望也楚辭大招王注云觀猶樓也蓋候館之制尤備不徒有室又有高明樓榭足供候望觀眺惠士奇謂即周語所謂寓望是也云一市之間有三廬一宿者賈疏云十里二十里有廬三十里有宿四十里又有一廬五十里有市是其一市之間三廬一宿凡廬有四義十里有廬一也中田有廬二也易剝之上九云君子得與小人剝廬注云小人傲狠當剝徹廬舍而去三也公劉詩云於時廬旅鄭云廬舍安民館舍施教令四也案依鄭賈說通詳之則自王城外至於畿內約有十市十宿三十廬其廬宿市左右旁自相距里數則無攷矣案通言之宿市路室候館等皆謂之野廬故野廬氏掌被國郊及野之道路宿息井樹是也 邱濬曰候館樓即所謂驛舍之郵亭也

司關掌國貨之節以聯門市

凡所達貨賄者則以節傳出之注商或取貨於民間無璽節者至關闕為之璽節及傳出之其有璽節亦為之傳傳如今移過所文書孫詒讓疏曰凡所達貨賄者則以節傳出之者明不徒有璽節兼有傳也注云商或取貨於民間無璽節者至關闕為之璽節及傳出之者賈疏云若本由王市而出則司市為之璽節商或於民間者或在郊內闕內民間買得物貨不得向司市取璽節故因向關外則便於關取節而出若在城內民間資貨者司門為璽節以出之授節者即授傳與之云其有璽節亦為之傳者謂其本由王市而出已有司市之璽節者司關仍為之傳以出之若徒有璽節而無傳仍不得行也云傳如今移過所文書者從漢書陳蕃傳李注云傳謂符也漢書文帝紀云十二年三月降關無用傳注張晏云傳信也若今過所也古今注云程雅問曰凡傳者何也答曰凡傳皆以木為之長五寸書符信於上又以一版封之皆封以御史印章所

以為信也如今之過所也釋名釋書契云過所過至關津以示之或曰傳傳轉也轉移所求執以為信也案今本釋云舛互不可讀今依畢沅校正劉云過所即此注所云移過所文書也唐六典李林甫注亦云古書帛為編刻木為契二物通謂之傳傳如今過所則唐時尚有過所之稱蓋凡傳必有文書即掌節注云說所齎標及所適是也西漢時用傳東漢時則為移過所文書凡所過關津必案驗文書乃得行因即稱其文書為過所蓋當時即沿俗語如此韓非子說林上篇云田成子去齊走而之燕鵬夷子皮負傳而從則傳亦書於竹木與符節之制相近故可負而行矣有外內之送令則以節傳出內之注有送令謂奉貢獻及文書以常事往來環人之職所送迎通賓客來至關則為之節與傳以通之孫詒讓疏曰有外內之送令則以節傳出內之者明非朝聘凡外內臣民以常事往來亦為節傳出內之也此節謂旌節與上達貨賄用璽節異凡

外內臣民至闕無節者此官為之旌節及傳出內之其有旌節者此官亦為之
傳以輔之與達貨賄節異而事同也賈疏云有外之送令者則以節傳內之謂
從諸侯之國畿外而入者則關人以節及傳內之至王有內之送令則以節傳
出之謂有王命從王國而出則亦以節傳出之送至畿上也注云有送令謂奉
貢獻及文書以常事往來者貢獻謂邦國所貢獻文書謂內外文報皆尋常往
來之事云環人之職所送迎通賓客來至闕則為之節與傳以通之者賈疏云案
秋官環人職云掌送迎邦國之通賓客以路節達諸四方注云路節旌節也四
方圻上與此義同故引以言之

掌節 門闕用符節貨賄用璽節道路用旌節皆有期以反節 注門闕司門
司關也貨賄者主通貨賄之官謂司市也道路者主治五涂之官謂鄉遂大夫
也凡民遠出至於邦國邦國之民若來入由門者司門為之節由關者司關為

之節其商則司市為之節其以徵令及家徙則鄉遂大夫為之節唯時事而行
不出關不用節也變司市言貨賄者璽節主以通貨賄貨賄非必由市或資於
民家為變鄉遂言道路者容公邑及小都大都之吏皆主治五柰亦有民也符
節者如今宮中諸官詔符也璽節者今之印章也旌節今使者所擁節是也將
送者執此節以送行者皆以道里日時課如今郵行有程矣以防容姦擅有所
通也凡節有法式藏於掌節 孫詒讓疏曰注云將送者持此節以送行者皆
以道里日時課如今郵行有程矣者釋文云郵作却誤漢書主父偃傳顏注云
程課也王聘珍云漢舊儀云秦璽書使者乘馳傳三騎行晝夜千里為程續漢
書輿服志云驛馬三十里一置劉昭注云東晉猶有郵驛其置承受旁郡文書
承驛吏皆條所受書每月吉至卅郡此皆郵行有程之證云以防容姦擅有所
通也者慮送行者或容姦人法不得通者擅以節通之故以其道里日期著為

程品使逾期則不得通易以檢察也

凡通達於天下者必有節以傳輔之 注必有節言遠行無有不得節而出者也輔之以傳者節為信耳傳說所齎操及所適

逐人掌邦之野 凡賓客令野修道而委積 注委積於廬宿市

逐師掌邦之野 賓客則巡其道修庀其委責 注巡其道修行治道路也故書庀為比鄭司農云比讀為庀庀具也

委人 以稍聚待賓客以甸聚待羈旅 注聚凡畜聚之物也故書羈作奇杜

子春云雷為羈 孫詒讓疏曰以稍聚待賓客以甸聚待羈旅者遺人云郊里之委積以待賓客野鄙之委積以待羈旅此官掌委積雖與遺人為官聯而唯掌斂野賦則內不及郊里故自甸稍以外與彼不同江永云與遺人之待賓客羈旅者別異委人無遺人之粟米而遺人無委人所聚之物也案江說是也距